




www.BibleForChildren.org


Murhondêro 1




Aha murhondêro
Nnâmahanga alema
amalunga n'igulu.



Igulu lyàli cingiringiri, civange,
cimpinage lirhaligwêrhe oku
liyôsire lirhanalimwo bici ci
Mûka gwa Nnâmahanga
akagiyerêra oku mîshi.




Nnâmahanga aderha, erhi: «Obulangashane bubè». Obulangashane bwanaciba. Ayîrika obulangashane mûshi n'omwizimya aguyîrika budufu. Bwayira bwanaca, Iwo lusiku lurhanzi.




Nnâmahanga aderha, erhi: «Ecirêre cibè aha karhî
k'amîshi ciberûle amîshi n'amîshi». Nnâmahanga
ayîrika ecirêre malunga. Bwayira bwanaca,
lwo lusiku lwa kabiri.



Nnâmahanga aderha, erhi: «Amîshi gali idako ly'ecirêre gacigushe haguma n'ahakazire habonekane». Byanacibà ntyo. Nnâmahanga ayîrika ahakazire budaka n'ecirundo c'amîshi aciyîrika nyanja. Nnâmahanga abona oku kuli kwinjà.




Nnâmahanga aderha, erhi: «Obudaka bumerekwo
olubala lulimwo emburho, ngasi lubero n'emirhi
y'amalehe, era emera oku idaho enaleheke
n'obujuru bwâyo, ngasi
lubero». Byanacibà ntyo.
Bwayira bwanaca, lwo
lusiku lwa kasharhu.




Nnâmahanga ajira bimole bibiri binene, ecimole
cinênênè mpu cikamoleka mûshi, n'ecimole
cinyinyi mpu cikamoleka budufu, boshi
n'enyenyêzi. Bwayira bwanaca,
Iwo lusiku Iwa kani.



Nnâmahanga aderha, erhi:
«Amîshi gadudûsemwo
ebizîne n'ebinyunyi bibalale
enyanya ly'igulu, embere
z'ecirêre c'amalunga».
Bwayira bwanaca, lwo
lusiku lwa karhanu.



Nnâmahanga aderha, erhi: «Obudaka buvûlule ebizîne bya ngasi lubero: ensimba, ebinyâgârha n'ensimba z'erubala za ngasi lubero». Byanacibà ntyo.




Nnâmahanga aderha, erhi: «Rhujire omuntu
orhushusha, orhugwerhekwo ecikebo, yewârhambula
enfî z'omu nyanja n'orhunyunyi rhw'emalunga,
ebishwêkwa n'eby'erubala byoshi, n'ebinyâgârha
byoshi binadûdûsa oku igulu.»

Nnâmahanga abona oku ebi
anajiraga biri binjà bwenêne.


Bwayira bwanaca, lwo
lusiku lwa kali ndarhu.




Nyakasane Nyamuzinda arhola olya muntu amuhira
omu ishwa Iya Edeni, mpu akalihinga analilange.



Nyakasane Nyamuzinda
aha omuntu eri irhegeko:
«Wanalya oku ngasi
murhi guli omu ishwa,
ci omurhi gw'okumanya
aminjà n'amabî
orhahîraga okagulyâkwo,
bulya amango
wacîshomya wagulyakwo
erhi onafire».



Ntyo omuntu ayîrika ebishwêkwa
byoshi, orhunyunyi rhw'emalunga
rhwoshi n'ensimba z'erubala, ci
omuntu arhabonagamwo
murhabâzi omushushire.




Nyakasane Nyamuzinda arhogeza kwo omuntu îrò
ly'enkwîra, nyamuntu ahunira; amushugula omurhibadu
ashosha eminyafu aha omurhibadu gwarhengaga.

Ogwo murhibadu, Nyakasane
Nyamuzinda àshugulaga
oku mulume, atulamwo
omukazi anamulêrhera
omulume.




Co cirhuma omulume akwânîne aleke
îshe na nnina acîshwekerekwo
mukâge n'oku bali babiri bahinduke
mubiri muguma (bayish'ihinduka
muguma) N'obwo bombi bàli
bushugunu; omulume n'omukazi, ci
barhakâg'iyumvanya nshonyi.



“Nêci, Nnâmahanga azigîre igulu,
kuhika abâna Omugala cûsha, mpu
ngasi yêshi wâmuyêmêra alek’ihera,
ci abone obuzîne bw’ensiku
n’amango”.



1



60



Barom 3:23

Boshi bajizire ebyâha, baheza irenge Iya Nyamuzinda,

Barom 6:23

Bulya oluhembo lw'ecâha lubà lufù, ci engalo ya
Nyamuzinda bubà buzîne bw'ensiku n'amango muli
Nnâhamwîrhu Yezu Kristu.

Bahabraniya 9:27

Na bulya abantu liguma lyône bafà, n'enyuma ly'aho
batwîrwe olubanja,



Befezi 2:8,9

Bulya, nêci, nshôkano yâge, kuhirakwo obuyêmêre, yammucizagya. Obwo bucire, arhali omu misî yinyu burhenga, ci eri ngalo ya Nyamuzinda. Arhali omu bijiro burhenga, mpu lyo halek'ibà owacîkuza.

Barom 10:9,10

Bulya, akabà omu kanwa kâwe onahamîrize oku Yezu ye Nyakasane, n'akabà oyêmîre omu murhima gwâwe oku Nyamuzinda amufûsize omu bafù, wâcunguka. Nêci, obuyêmêre bw'omu murhima bwo buhisa omuntu oku obushinganyanya, n'obuhamîrize bw'akanwa bwo buhisa omuntu oku bucunguzi.



Yowane 3:16,17

“Nêci, Nnâmahanga azigîre igulu, kuhika abâna Omugala cûsha, mpu ngasi yêshi wâmuyêmêra alek’ihera, ci abone obuzîne bw’ensiku n’amango”. “Bulya Nyamuzinda arharhumaga Omugala en’igulu mpu ayish’ihana igulu, ci mpu lyo aciza igulu”.

1 Yowane 5:11-13

N’obwo buhamîrizi bw’obu: Nyamuzinda arhushobôzize obuzîne bw’ensiku n’amango, n’okubona buzîne bubà omu Mugala. Ogwêrhe Omugala erhi agwêrhe obuzîne; orhagwêrhi Mugala wa Nyamuzinda, erhi arhagwêrhi buzîne. Mmuyandikîre ebyo binwa nti lyo mumanya oku mugwêrhe obuzîne bw’ensiku n’amango, mwe muyêmîre izîno lya Mugala wa Nyamuzinda.



Murhondêro 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Shi Bible (shr) © BUKAVU Archdiocese of Bukavu, 2024

<https://www.bible.com/bible/3953/GEN.1.MKB>

©2026 Bible for Children, Inc.

www.M1914.org

www.bibleforchildren.org

